

REGLUR

fyrir Félagsheimili Bolungarvíkur

1. gr.

Eigendur félagsheimilisins eru Bolungarvíkurkaupstaður, Kvenfélagið Brautin, Ungmennafélag Bolungarvíkur, Slysavarnarfélagið Bolungarvík, Skátafélagið Gagnherjar og Sjómannadagurinn í Bolungarvík.

2. gr.

Eignarskipting eiganda er eftirfarandi:

Bolungarvíkurkaupstaður	40%
Kvenfélagið Brautin	23%
Ungmennafélag Bolungarvíkur	20%
Slysavarnafél. Bolungarvík	6%
Skátafélagið Gagnherjar	4%
Sjómannadagurinn í Bolungarvík	7%

3. gr.

Hlutverk félagsheimilisins er:

- a) að stuðla að og efla hvers konar félags- og menningarstarfsemi í Bolungarvík.
- b) að auðvelda hverja þá starfsemi er miðar að bættu tómstunda- og skemmtanalífi barna og unglinga í Bolungarvík.

4. gr.

Félagsheimilið skal rekið sem sjálfstæð stofnun með sérstöku reikningshaldi. Almanaksárið skal vera reikningsár þess.

5. gr.

Æðsta vald í málefnum félagsheimilisins er í höndum aðalfundar eignaraðila. Aðalfundur skal skipaður 11 fulltrúum, þannig að Bolungarvíkurkaupstaður tilnefni 4, Kvenfélagið Brautin og Ungmennafélagið Bolungarvík tilnefni 2 fulltrúa hvor og aðrir eigendur 1 fulltrúa hver. Hver fulltrúi fer með 1 atkvæði.

Aðalfundur skal halda eigi síðar en 1. mars ár hvert og boða til hans með ábyrgðarbréfi með a. m. k. viku fyrirvara.

Stjórnir félaganna eiga rétt til setu á aðalfundi.

Aðalfundur er lögmetur, ef til hans er löglega boðað.

6. gr.

Á aðalfundi ár hvert skal stjórn félagsheimilisins leggja fram endurskoðaðan rekstrar- og efnahagsreikning fyrir næstliðið ár og fjárhagsáætlun yfirstandandi árs.

Reikninga og fjárhagsáætlun skal bera undir atkvæði aðalfundar.

7. gr.

Stjórn félagsheimilisins skipa 3 menn og jafnmargir til vara. Þrír stærstu eigendurnir tilnefna einn fulltrúa hver.

Heimilt er öðrum eigendum hverjum um sig að tilnefna áheyrnarfulltrúa með málfrelsi og tillögurétt.

Svo oft sem nauðsyn krefur skal stjórnin koma saman til fundar um málefni félagsheimilisins. Stjórnin skiptir sjálf með sér verkum. Kjörtímabil stjórnar er milli aðalfunda.

8. gr.

Stjórn félagsheimilisins sér um allan daglegan rekstur og framkvæmir ákvarðanir aðalfundar. Stjórnin skal halda nákvæma gerðarbók um störf sín.

Aðalverkefni stjórnar eru:

- a) að ráða nauðsynlegt starfslið.
- b) að ráðstafa félagsheimilinu til afnota fyrir eigendur og aðra.
- c) að ákveða gjöld fyrir afnot hússins.
- d) að annast kaup nauðsynlegra tækja og áhalda.
- e) að sjá um viðhald og endurbætur húseignar, húsbúnaðar og áhalda.
- f) að sjá um bíórekstur.
- g) að sjá um að löggæsla sé á samkomum í félagsheimilinu eða á annan hátt sjá um, að þar sé ekki brotið gegn ákvæðum lögreglusamþykktar Bolungarvíkur.

9. gr.

Stjórninni er heimilt að ráða framkvæmdastjóra er annist daglegan rekstur félagheimilisins eftir nánari ákvörðun stjórnarinnar og undir eftirliti hennar.

Stjórn skal gera skriflegan ráðningarsamning við framkvæmdastjóra þar sem m. a. skal ákveðið starfssvið hans og hvað af verkefnum skv. 8. gr. hann skuli annast.

Ekki getur framkvæmdastjóri átt sæti í stjórn félagsheimilisins.

10. gr.

Eigendur félagsheimilisins skulu eins og aðrir greiða leigu fyrir afnot hússins. Skyld er að heimila félögum er greinir frá í 1. gr. laga nr. 107 frá 1970 afnot af húsinu gegn hæfilegu gjaldi, ef eigi fer í bága við eðlilega þörf eigenda sjálfra fyrir húsið. Verði ágreiningur um hvort önnur félög eigi rétt á afnotum af félagsheimilinu sker íþróttafulltrúi úr, en úrskurði hans má skjóta til menntamálaráðuneytisins.

11. gr.

Leiga fyrir afnot félgsheimilisins skal ákveðin svo há að nægilegt fé fái til þess að inna af höndum nauðsynleg gjöld, ef stofnuninni koma eigi aðrar tekjur.

12. gr.

Þess skal gætt að húseign, áhöld, húsbúnaður allur og fatnaður sé jafnan hæfilega váttryggt.

13. gr.

Skemmdir á húseign, áhöldum og húsbúnaði umfram eðlilegt slit skulu þeir bæta er spjöllunum valda.

14. gr.

Um meðferð áfengis skal fara skv. lögreglusamþykkt Bolungarvíkur.

15. gr.

Arður skal eigi greiddur eigendum, en verði tekjuafgangur skal hann að hálfu lagður í varasjóð til að mæta rekstrarhalla og að hálfu í endurbótasjóð.

16. gr.

Reglum þessum má breyta á aðalfundi og þarf samþykki 3/5 aðalfundarfulltrúa fyrir breytingunni.

17. gr.

Reglur þessar, sem eru settar skv. 8. gr. laga nr. 107 frá 1970, öðlast gildi þegar menntamálaráðuneytið hefur staðfest þær.

Reykjavík, 20. nóvember 1985.

Sverrir Hermannsson.

Reynir G. Karlsson.

REGLUGERÐ

um einkennisbúninga og búnað bifreiðaeftirlitsmanna.

I. Gerð einkennisfatnaðar.

A. Einkennisfatnaður bifreiðaeftirlitsmanna skal vera:

1. Húfa skal vera úr brúnu klæðisefni með 5 sm. breiðri uppstandandi gjörð, 5 sm. breiðri reisu, kringlóttum, flötum kolla, gljáleðurskyggni og hökuól, er fest sé á gjörðina með tveimur litlum einkennishnökkum. Á gjörðinni skal vera brúnn borði úr upphleyptu efni. Framan á borðanum og upp á reisinna skal vera gyllt skjaldarmerki úr málm, 4 sm. á hæð.
2. Jakki skal vera úr brúnu klæðisefni, með venjulegum kraga, einhnepptur, með fjórum einkennishnökkum af stærri gerð, axlarborðum úr málm, klæddum sama efni og í jakkanum, bryddir ofan á jöðrum með 1 sm. gylltum leggingum, festir við axlarbrún með stórum einkennishnappi, en litlum einkennishnappi nær kraga. Á hvorri ermi skulu vera 3 einkennishnappar af minni gerð langs með ermasaum fremst. Á jakkanum skulu vera tveir brjóstvasar með hnepptu loki og lokin hneppt með litlum einkennishnökkum. Jakkalöf skulu fest við með þversaum að framan og á hliðum, en bakstykki heil niður með tveimur fellingum og klauf. Yfir mitti skal vera leðurbelti spennt með koparsylgju og fest upp á hliðum með koparkrókum. Tveir innri brjóstvasar skulu einnig vera á jakkanum.
3. Vesti skal vera úr sama klæðisefni og jakkinn með fjórum vösum, hneppt með einfaldri röð hinna minni einkennishnappa, 5—7 að tölu.
4. Buxur skulu einnig vera úr sama klæðisefni, síðar án uppbrota, með fjórum vösum.
5. Frakki skal vera úr brúnu eða khakilituðu frakkaklæði, einhnepptur, stuttur, með gærufóðri, 2 vösum og loðkraga. Rennilás innra og einföld röð með 4—5 stórum einkennishnökkum ytra, skal vera framan á frakkanum. Endurskinsbryddingar skulu vera neðst á frakkanum og ermum.
6. Leðurjakki skal vera brúnn mittisjakki með gylltum axlarspjöldum úr mjúku plastefni, bryddum ofan á jöðrum með 1 sm. gylltum leggingum, einn lítill og einn stór einkennishnappur á hvoru spjaldi, og hvítu belti með axlaról. Jakkinn er með rennilás að framan. Tveir brjóstvasar, utanálleggjandi, með smelttum lokum og tveir vasar innan á jakkanum. Ermar skulu vera þröngar að framan og með rennilás.
7. Hanskar skulu vera brúnir úr leðri eða öðru sambærilegu efni, fóðraðir, með hvítum uppslögum.